

Багъчуд дунд сургъмджин көдлмш ясрулхмн

Приозерн района „Приозерный“ совхозин гурвдгч фермд 50 гар багъчуд көдлджәнә. Эн багъчудин бригад өвс халлгъна болн хуралгъна көдлмшәр районд түрүнд йовна. Иим сәәнәр шунмгъагар көдлдж йовх багъчуд көдлмшин хөбн амрхар седәд, нәр-наад келдәд, сергмджән кехәр седхлә иим газр уга болдж гарна. Асхнднь, уульнд цуглад, нег баахн зуур биилднә, дуулдна, нань сергмдж уга. Багъчуд дунд 3—4 сарин эргцд нег чигн хург болад уга, цәәлгъврин, сургъмджин болн культурн көдлмш кегдхш.

Сургъудин багшнр, үүрмүд Мутляев Э. болн Чиряев И. хальмг болн орс келәр хаяхая эрсин газет гаргъна, эндтенд нег цөн лозунгс бичдж наана. Эн тоот көдлмшиг эклц

комсомольск организац, нег үлү ВЛКСМ-н райком төртән авхш. Эн фермүр райкомас нег чигн күн үзгддж ирхш.

Эн фермд кино тас үзүлхш, культурн көдлмш бас кегдхш.

Дакад, хавр багъчудин седвәрәр, эднә эв-аргъар района центрт модд тәргдлә, тер модднь ода хәләвр тату болсн учрар, хагсад үрджәнә. Энүг ВЛКСМ-н райком бас кергтән авхш.

Оли багъчудин дунд сургъмджин болн культурн көдлмш делгрүлхд ВЛКСМ-н райком оньган өгч, көдлмшән ясрулх зөвтә. Ода болдж йовх тооцана болн сунъгъврин хург деер комсомолин гардврт йовх улсас эн тоотиг күцәлгъ некхмн.